

أيامي مع الله | #خطبة_الجمعة | د. حازم شومان

حازم شومان

نحمده ونستعين به ونستغديه فيه ونستغفره ونعوذ بالله من شرور انفسنا ومن سيئات اعمالنا. اللهم انا نعوذ بك من شرور نفوسنا ومن سيئات اعمالنا انه من يهده الله فلا مضل له. ومن يضل فلن تجد له هاديا مرشدا - [00:00:00](#)

اذا يا ايها الذين امنوا اتقوا الله حق تقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا كثيرا - [00:00:40](#)

نساء واتقوا الله الذي تساءلون به والارحام. ان الله كان عليكم رقيبا يا ايها الذين امنوا اتقوا الله. اتقوا الله وقولوا قولا سديدا. يصلح لكم اعمالكم ويغفر لكم ذنوبكم. ومن يطع الله ورسوله فقد فاز. ومن يطع الله ورسوله فقد فاز - [00:01:00](#)

فوزا عظيما. اللهم صل على الحبيب محمد وعلى ازواجه امهات المؤمنين. وعلى ذريته وال بيته انك حميد مجيد اما بعد اخواني واحبابي في الله ونحن لا نزال في هذه الفرصة التي اعطانا الله اياها. وانت لسة نفسك بين جنبيك وانت لا تزال - [00:01:30](#)

صحيفتك لم تغلق كما قال تعالى فاصابتكم مصيبة الموت ربنا سمى الموت مصيبة له ؟ لان ما فيش مصيبة اكثر من ان صحيفتك هتتقفل ما فيش مصيبة اكثر من ان الادان هيدن في يوم من الايام وانت ما تقدرش تلبى ان المصحف موجود وانت ما تقدرش تفتحه. ان الدنيا مليانة - [00:01:50](#)

ايات في جلال ربنا وانت ما تقدرش تذكره. مش مصيبة الموت انك هتسيب الدنيا. الدنيا تركها مش مصيبة. ترك الاولاد مش مصيبة. ترك زوجات مش مصيبة. ترك الاموال مش مصيبة. ان الدنيا كلها تنهار ما هياش مصيبة. المصيبة انك هتتحرم من كلمة يا رب - [00:02:10](#)

المصيبة ان ما عادش ينفع تذكر ربنا. المصيبة ان على سبيل التكليف فرصتك خلصت. فرصتك انتهت. انت لا تزال في الفرصة. اسمك على سبورة الدنيا لسة ما اتمسحش بالبشاوره بتاعة الموت. لسة الى الان. انت لا تزال في الدنيا تسبح وتذهب وتجيء. لسه - [00:02:30](#)

الحوت بتاع الموت ما ابتلعكش. لا تزال نفسك بين جنبيك وانت في هذه الفرصة اتى الله لك بفرصة من اعظم فرص حياتك. بل هي اعظم فرص حياتك. قال رسول الله صلى الله عليه وسلم افضل ايام الدنيا ايام العشر. افضل ايام - [00:02:50](#)

يعني انا لو عشت سبعين سنة ولا ستين سنة افضل ايام حياتي. هي عشرة زي الحجة اللي هتيجي بعد ايام بازن الله. اللي هي المفروض الاتنين اللي بعد الجاي فلكيا والله اعلم بها. يعني افضل ايام حياتي. عشر تيام اللي هم من واحد لعشرة ذي الحجة. لأ يا حبيبي. ده دي - [00:03:10](#)

افضل ايام حياتك النبي ما قالش افضل ايام حياتك. النبي عليه الصلاة والسلام قال افضل ايام الدنيا حياتك والحياة اللي قبل حياتك والحياة اللي بعد حياتك ده دي ايام تاريخية في حياتك. المفروض ان الايام دي ما دام النبي عليه الصلاة والسلام قال انها افضل ايام الدنيا. يبقى دي سبب تفضيل واحد عن واحد. زي ما ربنا - [00:03:30](#)

قال ولقد اتينا داود منا فضلا. ربنا فضله ليه؟ عايز ربنا يفضلك. افضل ايام الدنيا طريق لتفضيل الله لك. افضل ايام الدنيا ايام العشر يبقى الايام دي ما هياش اي ايام يا جماعة. دي اعظم ايام في حياتك. عشر ايام قلبك بيستحمى في نهر الذكر. عشر ايام قلبك - [00:03:50](#)

يتضلع من انوار الذكر عشر تيام بتعقد صفقات الذكر مع رب العالمين. رب العرش العظيم. يبقى هذه الايام العشرة النبي عليه الصلاة

والسلام قال انها افضل ايام الدنيا. يبقى فيها اسرار عن غيرها. ليه يعني؟ ايه الفرق بين ثلاثة زو الحجة وخمستاشر زو الحجة؟ ايه الفرق بين سبعة زو الحجة - [00:04:10](#)

واتناشر ذو القعدة اشمعنى هذه الايام يعني؟ اشمعنى هذه الايام هي افضل ايام الدنيا؟ واحد لانها ايام الذكر لان العشر تيام دول من الذكر السنوي وقفة من الله لك. ربنا بيقول لك اقف مع الكلمات دي. اقف مع سبحان الله. اقف مع الحمد لله. حال - [00:04:30](#) فيها ايه يا عم ما انا بقولها لا العشر تيام دول اقف معها. انت فعلا عارف يعني ايه الحمد لله. انت فعلا قلبك عايش مع سبحان الله انت فعلا قلبك متذوق معنى لا اله الا الله. هذه كلمات لما داود هتف بها على الجبال ربنا انطق له - [00:04:50](#)

والطير خلاهم يأوبوا اليه. لما سليمان هتف بها في جلسة الذكر. ربنا سخر له الريح. لما يوسف هتف بها فربنا مكته فوق فتنة امرأة العزيز وفوق فتنة السجن هذه الايام هذه الكلمات هي سر السعادة هي سر تحقيق مقصد حياتك - [00:05:10](#) هذه الكلمات البسيطة السريعة الصغيرة هي دي سبب سعادتك في الدنيا وسبب نجاحك وسبب فلاحك وسبب الفردوس الاعلى وسبب رضا الله بسبب قوتك وعزيمتك في الحياة. وسبب انك تحقق مقصد وجودك. وسبب انك تبقى من جيران النبي عليه الصلاة والسلام في الفردوس الاعلى. الموضوع - [00:05:30](#)

كبير يا جماعة لانها ايام الذكر. يعني ايه ايام الذكر؟ يعني ربنا بيقول فاذكروني اذكركم. طب انا لما اذكرك يا رب بلساني وقلبي انت اذكركني ازاى؟ اذكركم دي كلمة ما فيش مفسر قدر يفسرها. المفسرين لهم فيها اكثر من ميت قول. مفسرين يقولوا اذكركم بالثناء - [00:05:50](#)

مفسرين قالوا اذكركم بالعطاء. مفسرين قالوا اذكركم بالاختصاص والخاص. مفسرين قالوا اذكركم في السراء والضراء مفسرين قالوا اذكركم. المفسرين مختلفين. ربنا هيذكرك. انما الكل متفق اني اذكركم دي يعني هيدك. وهيرفعك وهيمدك - [00:06:10](#) يحفظك وهينور لك قلبك وهيوصلك وهيرشدك. وهيوفقك. الكل متفق اني اذكركم دي كلمة عظيمة. انما معناها ايه؟ ما حدش عارف يجيب معناها لانها من افعال الله الجليلة التي لا يحيط البشر بها. كما قال تعالى ولذكر الله اكبر. اكبر من اي عبادة تانية في السواب - [00:06:30](#)

اكبر من اي عبادة تانية في تطهير القلب. اكبر من اي عبادة تانية في توصيلك الى الله. اكبر من اي عبادة تانية في اعانتك على ترك معاصي بدون الام وبدون تعب وبدون نكبات وعودات لها مرة تانية. لانها ايام الذكر. اتنين افضل ايام الدنيا لانها ايام - [00:06:50](#) الفقر دي الايام اللي ابراهيم رجم فيها ابليس. دي الايام اللي الحجاج بيرجموا فيها الشيطان بالجمرات والذكر. ونحن نرجم هنا بالذكر ونحن نرجمه بذكر الله. الايام دي كل حاجة قابلة فيها اللي اشتعال يا جماعة. لان ابليس مش زي رمضان. مرضت الشياطين - [00:07:10](#)

ما هياش مصفدة. مردة الشياطين مطلقة. والشياطين مطلقة. فهذه الايام الوضع فيها ان مش الشيطان متقيد وياللا انطلق الشيطان موجود معك. وبيحاربك هتقدر ترجمه كما رجمه ابراهيم ولا لا. هتقدر ترجم الشيطان. عشان كده الجمرات في الحج - [00:07:30](#) سبعين بيض شعب الايمان من بضع وستين لبضعة وسبعين. يعني تقريبا بعدد شعب الايمان. كانك انت لازم ترد على طهرتك من الشيطان كل شعبة ايمان عطلك عنها. بكل عمل صالح نفرك منه. بكل مرة فضل ينيم فيك لحد مرحلة قيام الليل. بكل فجر - [00:07:50](#)

راح منك بكل مرة بصيت فيها على حرام. بكل مرة اوقعك فيها في معصية. هذا من عمل الشيطان انه عدو مضل مبين في ايام الثأر هتقدر تتأثر منه بالذكر ولا لا. هتقدر ترجمه بالذكر ولا لا. هتقدر تحرقه بالذكر ولا لا. هتقدر تنتصر عليه - [00:08:10](#) من الذكر ولا لا؟ لانها ايام التجارة العظمى مع الله. دي ايام اعظم تجارة مع ربنا. ربنا علمك انك تبقى راجل اعمال. انت لازم في الاخرة تبقى راجل اعمال في الدنيا تلاقي واحد لابس بدلة فخمة وماسك شنطة فخمة ونازل من عربية فخمة وفيه سكرتير بيحجري وراه وفيه ناس - [00:08:30](#)

هو مين ده؟ يقول لك ده راجل اعمال. يعني ايه راجل اعمال؟ يعني الراحل ده حياته كلها حاجات كبيرة اوي. حاجات مهمة اوي.

الراجل ده ما بيتكلمش غير بالملايين - 00:08:50

الراجل ده كل ساعة ولا ساعتين قاعد مع واحد بيتفق على صفقة بملايين معه فيها. انت كذلك. انت رجل اعمال اخروية. هل ادلكم فاتجارة تنجيكم من عذاب اليم. يرجون تجارة لن تبور. ان الله اشترى من المؤمنين - 00:09:00

انفسهم واموالهم بان لهم الجنة. ربنا ميت مرة في القرآن بيعلمك انك تبقى تاجر. بيعلمك ان الاخرة عايضة رجال اعمال. عايضة ناس مقدرة ما قيمة صفقات الاخرة مع الله؟ وانت الان في اعظم صفقة مع الله. صفقة الذكر يا اخواني في الله. كما قال النبي صلى الله عليه وسلم الا انبئكم - 00:09:20

بخير اعمالكم. اكثر عمل هيجي لك خير في حياتك بسببه. وازكاها عند مليككم اكثر عمل ربنا هيزكيك بسببه وارفعها في درجاتكم. اكثر عمل درجتك عند الله ترتفع بسببه. ودرجتك في الفرديس العليا هترتفع بسببه - 00:09:40

درجتك في طبقات الايمان هترتفع بسببه. ودرجتك في العزيمة والهمة هترتفع بسببه. وخير لكم من انفاق الذهب والورق وخير لكم من ان تلقوا عدوكم. فتضربوا اعناقهم ويضربوا اعناقكم. قالوا وما هو يا رسول الله؟ عليه الصلاة والسلام قال ذكر الله - 00:10:00
فكر الله سبحانه وتعالى. عشان كده النبي عليه الصلاة والسلام يقول عن عشر ذي الحجة انها احب ايام الدنيا الى الله. وافضل ايام الدنيا عند الله. واعظم ايام الدنيا عند الله. وارجى اعمال الدنيا عند الله. وازكى اعمال الدنيا عند الله. الخمس حاجات دول النبي ما - 00:10:20

في حاجة تانية غير عشر ذي الحجة ولا حتى في رمضان. احب واعظم وافضل وارجى وازكى. خمس كلمات اسسوك ان العشر تيام دول هم اللحظة الفارقة في حياتك. هم دول التحويلة بتاعة حياتك. هم دول ايام ترصيص زوايا قلبك من جديد. هم دول ايام - 00:10:40

اللي هترجعك لربنا ثاني. دي ايامك مع الله. هي دي الايام اللي هتذكر الله فيها ليل ونهار. فهتعرف يعني ايه ذكر هتعرف يعني ايه انا جليس من ذكرني. وهتعرف يعني ايه انا معه حين يذكروني. وهتعرف يعني ايه فاذكروني اذكركم. وهتعرف يعني ايه ولا - 00:11:00
ذكر الله اكبر. دي الايام اللي كل آيات واحاديس الذكر انت هتفسرها. بس ما فيش شيخ هيفسرها لك في جامع. ما فيش داعية هيفسرها لك على خطبة على منبر رسول الله في خطبة الجمعة. ما فيش برنامج فضائي في قناة اسلامية هيفسرها لك. الايام دي انت هتعرف تفسير آيات واحد - 00:11:20

حديس الزكر عملي بالمعاملة بينك وبين الله. لما هتدمن زكر الله في هذه العشر. الله سيريك عطاءاته للذاكرين يريك وعوده للذاكرين. يبقى انت هتعرف عملي. هتعامل ربنا بهذه في هذه الايام بذكر الله. سيعاملك الله بعطاء - 00:11:40

ووعودي للذاكرين. مصدق ربنا؟ يبقى المفروض تستعد للايام دي. لماذا هي افضل ايام الدنيا عند الله؟ قلنا لانها ايام الذكر اتنين لانها ايام النار. ثلاثة. لانها اعظم صفقة في حياتك مع الله سبحانه وتعالى. دي ايام التجارة العظمى مع الله. انت - 00:12:00
مع الله بذكر الله. اربعة لانها ايام التضحية. هو الايام دي اعظم ايام عند ربنا ليه؟ ليه؟ لان خطوط الطول والعرض ارض من جميع مشارق ومغارب الكرة الارضية. اللي راكبين تيارات. واللي راكبين سفن. واللي جايين بباصات. واللي جايين على رجليهم. والكل متوجه - 00:12:20

نقطة واحدة وهي الكعبة والكل بيهتف هتاف واحد. لبيك اللهم لبيك. لبيك لا شريك لك لبيك. نداء البيئة اللي بترتج به الطائرات والسفن والقطارات والباصات والسيارات من جميع خطوط الطول والعرض في الكرة الارضية - 00:12:40

مشارق الارض ومغاربها. اربعة وعشرين ساعة والناس تقصد بيت الله الحرام. وهي تهتف لبيك اللهم لبيك. دفعوا الوف مؤلفة عشان يروحوا وسابوا بلادهم وسابوا اوطانهم وسابوا اراضيهم وسابوا اعمالهم وسابوا اشغالهم وسابوا ارضهم وسماءهم - 00:13:00

من اجل تلبية نداء الله. لذا هذه افضل ايام الدنيا عند الله. لانها اعظم ايام الانسان بيضحى فيها عشان ربنا. ربنا بيحب عبادة التضحية ضحيت عشانه بايه؟ سبت عشانه ايه؟ ايه الشهوة اللي حبيبة لقلبك؟ وتركتها لان حب الله احب اليك منها. انت سبت - 00:13:20

عشان ربنا نومك ساعة الفجر. سبت عشان ربنا راحتك ساعة قيام الليل. سبت عشان ربنا ما لك ساعة الصدقة والانفاق. سبت عشان ربنا راح ساعة جهد الدعوة الى الله. سبت عشان ربنا ايه ؟ ضحيت عشان ربنا بايدي احب عبادة الى الله. لماذا هذه العشر؟ افضل ايام الدنيا - [00:13:40](#)

عند الله. ليه؟ لانها الايام التي نطق فيها البشر جميعا. حتى الكفار حتى نتناهاو حتى شارون حتى ائمة الكفر حتى ائمة اليهود حتى الملاحدة اللي بيحاربوا وجود ربنا. حتى كل من - [00:14:00](#)

انكر وجود الله وكل من حارب دين الله. الكل حتى عبدالله ابن ابي ابن سلول. حتى ابو جهل وابو لهب. حتى صناديد الكفر حتى النمروذ اللي القى ابراهيم في النار. حتى فرعون اللي اراد قتل موسى هذه الايام التي نطق فيها البشر جميعا - [00:14:20](#) فيه نفس واحد ربي الله. ربي الله يوم عرفات الاول. في اول مشهد عرفات الذي يصفه الله وتعالى في سورة الاعراف واذا اخذ ربك من بني ادم من ظهورهم ذريتهم. الله اخرج من ظهر ادم زريته. المليارات - [00:14:40](#) لحد يوم القيامة واشهدهم على انفسهم. الست بربكم مين ربكم؟ قالوا بلى شهدناها. البشرية كلها فيها ابو جهل وابو لهب. في اليوم ده قالت ربي الله. انت في اليوم ده قلت ربي الله. الكل الكون قال في هذا اليوم ربي الله. ان - [00:15:00](#) قولوا يوم القيامة انا كنا عن هذا غافلين. يبقى الاية النص الاولاني جاب البداية. اول مشهد عرفات في التاريخ. اللي هو يوم تسعة ذو الحجة اللي هو يوم من هذه الايام العشر ربنا جاب البشرية كلها واشهدنا. من ربك؟ الكل قال ربي الله. بعد كده ربنا ابتلانا -

[00:15:20](#)

ونزل الناس الدنيا وادى الفلوس وادى المال وادى لسلطان وادى لشهادة والدلال مركز وادى لدا السيادة وادى لده السلطان واختبر الناس كلها وادل الجمال وتدل المال وتدل دليل حسب واختبر الناس كلها وبعد ما هتنتهي الدنيا كل - [00:15:40](#) لواحد في اول ليلة في القبر في اول يوم رجوع لربنا يوم تقوم قيامته الصغرى. سيسأل نفس السؤال. الذي سأل الله له في عالم الذر سيدخل عليك ملكان اسودان ازرقان فيقولان لك من ربك؟ تصدقم ان تسعمية تسعة وتسعين في - [00:16:00](#) الف من كل الف واحد تسعمية تسعة وتسعين هيقولوا ها ها لا ادري الف الف كانوا في عالم الذر بيقولوا بلى شهدنا ربنا الله. لما نزلوا الدنيا واتلست الفطرة وبعد الناس عن الله سبحانه وتعالى - [00:16:20](#)

لما يجوا يسألوا مرة ثانية بقى انت زي ما اديك عربية بتاعتي كده واقول لك العربية دي فابريكة بالسلفان اللي عليها. بعد خمس سنين اجي اقول لك وربي العربية بتاعتي. في - [00:16:40](#)

العربية لسة محافظ عليها. وفي واحد بوزها وبهدلها. ربنا اداك الفطرة واشهدك عليها. من ربك؟ قلت ربي الله. الفطرة بتاعتك سليمة اهي. نزلت الدنيا ده اتوحد في المعاصي. وده ضاع وغرس في الشهوات. وده مشي ورا اهل الشبهات. وده مشي ورا الدنيا. ورجعوا لربنا - [00:16:51](#)

فربنا بيعمل لهم الامتحان تاني. ياللا بقى مين اللي لسة جايب الفطرة بالفبريكة وبالسلفان اللي عليها! من ربك! لاسف واحد في الف اللي يقول ربي الله. الملكين هيدخلوا عليه يقولوا له من ربك؟ ما دينك؟ من نبيك؟ فيقول ربي الله وديني الاسلام ونبي محمد - [00:17:11](#)

ده الواحد في القلب فينتهرانه ويقول ان له من ربك؟ من نبيك؟ ما دينك؟ هو في ايه؟ ما انا قلت ربي الله هو انتم بتنتهروني ليه ؟ هو انا نطقت غلط! ما انا قلت نبي محمد عليه الصلاة والسلام. ما انا قلت دين الاسلام. انتم بتنتهلوني ليه - [00:17:31](#) وبتسألوني تاني بشدة ليه ؟ فينتهرانه ويقول ان له من ربك؟ ما دينك؟ من نبيك؟ هو ايه القصة؟ هم بيعملوا معه كده ليه هو الراجل ده نزل القبر وما هوش عارف اصلا هو ايه الدين اللي اللي الملايكة دي عايزاه ؟ هو في الدنيا امن بدين ده امن باليهودية ده امن بالنصرانية - [00:17:51](#)

هي دائما بالاسلام فيه واحد كان مصدق بجد وموقن في دين الاسلام وواحد كان شاكك الملكين بيמתحنوه فيقولوا ربك وما دينك وما نبيك؟ ففي واحد هيقول ديني الاسلام بس هو شاكك. انما هو لازم يجاوب لانه في امتحان صعب جدا. فيقول ديني الاسلام وهو

ده يرانا بنقول لك دينك ايه. لو هو شاكك عارفين ابعت ايه ؟ قال لابنه اوعى تنزل تلعب في الشارع مع فلان. فالولد نزل يلعب مع فلان فراجع فابوه بيقول له انت كنت فين ؟ قال له انا آآ انا كنت باجيب حاجة لماما. باقول لك انت كنت فين ؟ هو الاب بيعمل كده ليه ؟ عشان - 00:18:31

او ابنه كذاب يبان في المرة الثانية. لو ابنه مش وافق من اجابته يبان في هو دا اللي الملكين بيعملوه معك. يعني من الاخر اللي هيجابو سؤال الملكين في القبر - 00:18:51

هو اللي عنده يقين بالقرآن والاسلام. هو اللي عنده يقين بالرسول. هو اللي عنده يقين بالله. والا فهو لا يدري. هم مين دول ؟ يعني ما هماش جايين في في جايينهم علامة الصلاة ولا بسين غترة وحاطين السواك في جيبهم وماسكين المصحف وبيقولوا له يا اخي من ربك ده هو مش عارف - 00:19:01

مين دول ؟ ولا دول ؟ طب وده اصعب نقطة في فتنة القبر؟ انك لا تدري الملكين دول بتوع مين ، فلا بد ان تكون على يقين راسخ بدين الاسلام والقرآن والرسول عليه الصلاة والسلام حتى تشيب على هذه السؤال. هذا السؤال. يبقى لماذا العشر؟ ليه العشر هي افضل ايام الدنيا؟ الاجابة الرابعة - 00:19:21

بعد لانها ايام الذكر ولانها ايام الثأر. ولانها ايام التجارة العظمى مع الله. ولانها ايام التضحية. السبب خامس لانها اليوم الذي نطق فيه البشر جميعا. ربي الله في يوم عرفة في التاسع من هذه الايام - 00:19:41

العشر لماذا هي افضل ايام الدنيا؟ ليه الايام اللي جاية دي افضل ايام الدنيا؟ لان هي ايام الثواب الاسطوري. آآ السبب السادس انها السوابل الاسطوري. يعني ايه ايام السواب الاسطوري؟ النبي عليه الصلاة والسلام بيقول للصحابة ما من ايام العمل الصالح احب الى الله فيها من هذه الايام - 00:20:01

الصحابة قاعدين كده فبيقولوا لهم يعني بيقول لابو بكر وعمر والصحابة بيقول لهم العشر تيام دول ما فيش ايام في الدنيا ربنا يحب انك تقعد تذكر وتذكر وتتلو القرآن وتصلي وتصوم زي الايام دي. فقالوا له يا رسول الله ولا الجهاد في سبيل الله - 00:20:21

يعني لو احنا خرجنا نجاهد في سبيل الله يا رسول الله. في العشر تيام دول. مش يبقى احسن من ان انا اقعد اذكر الله في العشر تيام دول. قال ولا الجهاد في سبيل الله - 00:20:41

الا حالة واحدة بس هتزيد سوابها على سواب انك تعكف على ذكر الله في العشر تيام دول. حالة واحدة بس الا رجل خرج بنفسه وماله فلم يرجع من ذلك بشيء. يبقى ازا الحديس ده قال لك ايه اعزم صفحة - 00:20:51

تعقدها مع الله. ايه اعظم صفقة تعاقدها مع رب العرش العظيم؟ خرج بنفسه وماله فلم يرجع من ذلك بشيء. ده اعلى صفقة تضحي كل شيء عشان ربنا. طب الصفقة اللي بعدها؟ ذكر الله في عشر ذي الحجة. يبقى عشر ذي الحجة دي ثاني اعظم صفقة مع الله في -

00:21:11

تاريخ حياتك. دي تانية طب انت الوقتي مش قادر خرج بنفسه وماله فلم يرجع من ذلك بشيء يبقى دي الصفقة الاولى في حياتك الوقتي. صفقة الذكر في عشر ذي الحجة - 00:21:31

لذلك هي افضل ايام الدنيا عند الله. سبعة لانها ايام التأسيس. دي ايام تأسيس الدين اصلا. هو الايام دي ربنا ذكرها في سورة ايه؟ سورة وليال عشر. السورة اللي اولها ربنا اقسم بالله العشر هي اللي اخرها قال يا ايها النفس المطمئنة ارجعي الى ربك. عايز توصل للاطمئنان في - 00:21:41

زمن التوتر والهلع ونوبات الفزع. عايز توصل للاطمئنان عليك بذكر الله. وبداية وقفك مع عبادة الذكر. يا اخواننا ناس كتير عارفة قيمته قرآن ناس كتير الدعاة ببجوا في رمضان وقبل رمضان بشهرين يقعدوا يتكلموا عن القرآن وخطورة القرآن واهمية فهم القرآن واهمية الصلاة - 00:22:01

السليمة بالقرآن واهمية قصر العمر على فهم القرآن. فبقى فيه ناس كتير فاهمة قضية القرآن. قضية رمضان انما قضية عشر ذي

الحجة اللي هي قضية في الذكر ناس كتير جدا مش فهمها. ناس كتير مش عارفة وعود الله للذاكرين. ناس كتير مش عارفة ربنا

يمكن يعمل لك ايه في حياتك لو - [00:22:21](#)

امنت ذكر الله. ناس كتير مش عارفة ذكر الله ده ممكن يحل لك مشاكل في حياتك قد ايه. الورقة اللي يعني ان شاء الله نوزعها عليكم

في اخر الخطبة احلام - [00:22:41](#)

بين ايديك. احلامك بين فكرة الورقة مكتوبة في سطرين في الاول بالاصفر. الذكر هو اسرع واعظم صفقة لتحقيق كل احلامك يعني ايه تحقيق كل احلامك؟ يعني اعظم وسيلة واسرع وسيلة لتحقيق السعادة والنجاح والقوة والتيسير والتوفيق والكرامات الدنيوية -

[00:22:51](#)

والسكينة والوقاية من السحر والحسد. والفوز بالفردوس الاعلى. والنجاة من عذاب الله في الدنيا والاخرة. حقق كل احلامك بذكر الله ما فيش سبب من اسباب احلام حياتك كلها ما فيش اية او حديس بتقول لك ان تحقيق الحلم ده بسبب الذكر. كفاية وانا جليس من

ذكرني. كفاية - [00:23:11](#)

انك انت في مجالسة الله. انت لو في مجالسة ملك من ملوك الدنيا هتبقى انت قاعد معه. ولو هو بيحبك وهو بيوصي الناس يخلصوا لك حاجاتك ويخلصوا لك انت في مجالسة الله تتخيل بقى ربنا بيعمل لك ايه في امور حياتك؟ لم ار في حياتي والله اخواني في الله

لم ار في حياتي - [00:23:31](#)

عبادة اسرع في الثمرة الدنيوية. اسرع في تغيير ظروفك الدنيوية وحل مشاكلك الدنيوية. اسرع في التأسير على رزقك وسعادتك

وحياتك من ذكر الله. لم ار في حياتي عبادة جوايزها فورية زي ذكر الله. اول ما تبدأ - [00:23:51](#)

ربنا ساعة. اتنين ثلاثة اصبر بقى. اصبر يا عم احنا قاعدين نذكر الدنيا ليل نهار. قاعدين نتكلم على سعر الدولار اللي طلع ونزل وسعر السهم اللي اهو نزل وسعر العربيات وسعر الاراضي وسعر الايشال وسعر السيراميك. وسعر الشقق وسعر قاعدين. يا عم عايزين نتكلم

عن ربنا شوية - [00:24:11](#)

عايزين نذكر الله قعدنا نتكلم عن المسلمين لحد ما حبيناهم. قعدنا نتكلم على المغنيين لحد ما حبيناهم. قعدنا نتكلم على الدنيا لحد ما دخلت في قلوبنا عايزين نتكلم عن ربنا لحد ما نحبه. عايزين نذكر الله لحد ما حب الله يتمكن من قلوبنا. ولحد ما تعظيم الله

يمكن من قلوبنا - [00:24:31](#)

عشان كده دي ده التأسيس هذه العشر من اسباب النية افضل ايام الدنيا عند الله. ان ده موسم التأسيس. هو ربنا قال ليالي العشر في سورة الاية؟ الفجر. هي الفجر ديت ايه؟ الفجر دي من اول عشر سور نزلوا في القرآن. دي من سور المرحلة السرية. من سور ضال

الارقم اللي اتربى فيها ابو بكر - [00:24:52](#)

عمر يعني ربنا كلم الصحابة عن عشر ذي الحجة من دور الارقم من اول سنتين في الاسلام امال ربنا كلم الصحابة عن رمضان امتي؟ آآ شهر رمضان الذي انزل فيه القرآن سورة البقرة. سنة اتنين هجرية. يا نهار ابيض! يعني ربنا اتكلم عن عشر ذي الحجة - [00:25:12](#)

قبل ما يتكلم عن رمضان بحوالي خمستاشر سنة. يعني ربنا ربي الصحابة وربى ابو بكر وعمر على احياء عشر ذي الحجة قبل ما يربيههم على احياء رمضان والعشر الاواخر وليلة القدر. بحوالي اكثر من عشر سنين. يعني عشر ذي الحجة ده موسم جبار -

[00:25:32](#)

فدي البداية دي الفيرست دايز. دي البداية. دا التأسيس. المرة الثانية ربنا قال ووعد موسى ثلاثين ليلة واتممناها. واتممناها بعشر كثير من المسلمين قالوا عشر ذي الحجة اتممناها في سورة ايه؟ سورة الاعراف. اللي زمن نزولها بيدور حوالين شعب ابي طالب. يعني

شعب ابي طالب. المرحلة السرية - [00:25:52](#)

اختار الارقم يعني فترات التأسيس كلها كان ربنا بيحيي قضية عشر ذي الحجة في قلوب الصحابة. قضية كبيرة. قضية هتوصلك لمقام يا ايتها النفس المطمئنة. المقام اللي ما حدش عارف يوصل له الايام دي. الناس خائفة. الناس خائفة من الايام. هجوز ابني

منين؟ انا نفسي شاب هتخرج امتي وهتجوز منين - [00:26:12](#)

اجيب مجموع يدخلني كلية ايه ؟ وبنتي هتتجوز مين ؟ وهتجيب شقة منين ؟ وهتشتغل فين ؟ وهجيب دخل يكفيني ازاي ؟ وفي يوم من الايام يبقى عندي شقة ازاي ؟ وازاي ابقى - [00:26:32](#)

صاحب مشروع في يوم من الايام ولما اكبر همراض ولا لأ ؟ ولو همراض هيجي لي مضاعفات المرض ولا لأ ؟ ولو هاموت هاموت ازاي ؟ يا ترى في حادثة ولا يا ترى في اهو دي - [00:26:42](#)

انا هعيش ازاي وهكمل ازاي ؟ الناس خايقة نحن في ايام الهلع وفي ايام الرعب في هذه الايام الذكر هو الطريق للوصول الى يا ايتها النفس المطمئنة افضل ايام الدنيا. ليه افضل ايام الدنيا ايام العشر؟ افضل ايام الدنيا ايام العشر. تسعة او ثمانية - [00:26:52](#)
لأنها ايام تصحيح مقصد حياتك. يعني ايه تصحيح مقصد حياتك ؟ يا اخوانا الخمس كلمات رمضان ربنا اداك ثلاثين يوم عشان تعيش مع ستميت صفحة قرآن عشان تعيش مع ستميت صفحة قرآن. قال لك في ثلاثين يوم سنويا معسكر قرآني عشان - [00:27:12](#)
من امة محمد الدعاء يفضلوا يكلموها عن القرآن وخطورته وهم يفضلوا يقرأوا ويعكفوا في الجوامع القرآن تقوم الامة تفهم يعني ايه قرآن الحداشر شهر يبقى امة قرآنية عظيمة. اومال عشر ذي الحجة ؟ دي عشر تيام مع خمس كلمات. مع سبحان الله - [00:27:32](#)

والحمدلله ولا اله الا الله والله اكبر ولا حول ولا قوة الا بالله. يعني مع اذكار قليلة خمس ست كلمات. يبقى معنى الكلمات دي ايه؟ الكلمات اللي احنا جايين افضلها واعلاها في هذه الورقة. يبقى الكلمات دي ايه؟ الكلمات دي في ورقة احلامك بين ايديك. احلامك - [00:27:52](#)

من ايديك اهي الخمس ست سبع تمان كلمات اللي في الورقتين دول انت لو ادمت ذكر الله بهم. بس تقولهم صح. تقولهم صح. كلنا بنقول الحمد لله كلنا بنقول بنذكر بس فين قلبك ؟ انك انت تقولهم وانت قلبك فاهم المقصد اللي من وراهم انك - [00:28:12](#)
تقولوا وانت عايش مع معانيهم. تصحيح مقصد حياتك. انت عارف انت بتذكر مين ؟ ما هو انت لما تقعد تقول سبحان الله سبحان الله. انت لازم تفكر بعد شوية. هو انا - [00:28:32](#)

انا لازم احس بجلال الله عشان اصبر. على ان انا اسبح ربنا نص ساعة ولا حاجة. انا لازم احس بنعمه عشان اقدر اقول الحمد لله ساعة. امال هقدر ازاي انا لازم احس بجلاله عشان اقدر اقول الله اكبر ربع ساعة. انا لازم عشان افضل اقول سبحان الله وبحمده سبحان الله العظيم. انا لازم - [00:28:42](#)

جلاله وعظمته ونعمه وعلوه والا مش هقدر اصبر على الذكر. الذكر هو اسهل عبادة على الاسهل حركة للسان. ولكن هو اصعب عبادة على القلب. لان اللي جوة القلب كله دنيا. فانت بتجبره ها طلع دين. توجه الى الله. مش قادر. لأ تعال اما - [00:29:02](#)
اعرفك مين ربنا بقى عشان ترمي الدنيا دي وتدوس عليها وتنطلق الى الله. سبحان الله العظيم يا اخواني في الله. يعني كنت يعني في يعني الايام اللي فاتت كده في بعض - [00:29:22](#)

حاجات في امراض الكلى شغل الكلى. ببص في الكلى كده واحد من علماء يعني من علماء الطب الكبار في العالم اسمه روبن بيتكلم عن الكلى الكلى دي حته مية وخمسين جرام. الكلى دي كلها مية وخمسين جرام. يعني قد البطاطساية الصغيرة. الكلى دي فيها اتنين مليون فلتتر - [00:29:32](#)

الترشيح ربنا حاطط لك في الكلى دي مليون او مليون ونص فلتتر. وفي الكلى دي مليون ونص فلتتر. يعني من اتنين لثلاثة مليون فلتتر ترشيح يعني الكلى دي مصفة بتصفى الدم بتاعك. الالف مليار خلية اللي في جسمك قاعدين يعملوا تفاعلات تفاعلات تفاعلات ويطلعوا سموم زي اي - [00:29:52](#)

اي مصنع كل خلية في جسمك زي مصنع هي بتبني ولكن بتطلع دخان اسود وبتطلع سموم وبتطلع مواد تودي في داهية. كذلك الخلايا الف مليار خلية من مفرق راسك لحتى اخمص رجلك. قاعدة تشتغل ليل نهار وتطلع سموم بتضخ السموم دي فين ؟ في الدم. فالدم ده كان هيبقى - [00:30:12](#)

عامل زي المجاري كده. لو الالف مليار خلية دول قاعدين ينزلوا من غير نضافة. فربنا عمل لك اتنين مليون مصفى. او ثلاثة من اتنين

لثلاثة مليون مرة اصفى في مية وخمسين جرام اسمها كلى. طب المصفى دي ما بتتسدش ازاى؟ هو انت محتاج ايه عشان تعيش؟
قال لك عشان تعيش انت محتاج نص مليون مصفى - [00:30:32](#)

نص مليون فلتتر بس. امال ربنا مديك ثلاثة مليون ليه؟ لانه كريم. ما انت محتاج رئة واحدة. انت محتاج ربع كبد. انت انت ما انتاش
محتاج كل اللي انت واخده في جسمك ومال ربنا مديك كتير ليه؟ لانه كريم. لانه معطي لانه وهاب. شف هو عاملك ازاى بقى! وهل -
[00:30:52](#)

والاحسان الا الاحسان. الكلى ديت الاثنين مليون مصفى رغم انك مش محتاج غير نص مليون. يعني لو باظ مليون ونص انت لسة
ماشي سليم. انت لسة مش هتيجي السموم من كل حته في الجسم. تيجي على الكلى ديت. الكلى ديت بطريقة اعجازية. تقعد -
[00:31:12](#)

بتفلتر قد ايه. ذلك العالم يقول الكلى بيدخل لها يوميا. الف وسبعميت لتر دم. انت عارف يعني ايه؟ يعني انت من وانت من ساعة ما
بدأت الخطبة لحد دلوقتي انت دم جسمك كله اتفلتر برة. انت دم جسمك كله اتخزق - [00:31:32](#)
كسل في الكلى مرة واتغسل في الرئة كام مرة؟ دي قصة تانية اتغسل الكلى بتغسل دمك يوميا اقسام بقى الالف وسبعميت على خمسة
لتر الف وسبعميت لتر شف انت دمك بيتغسل كم مرة في اليوم؟ شف الاعجاز اللي بيحصل عشان وانت بتقول سبحان الله! عشان
وانت بتقول الحمد لله - [00:31:52](#)

تبقى عارف انت بتشكر مين. الراجل ده بيقول الف وسبعميت لتر دم. الرئة بتخرج منهم كل يوم لتر واحد بس اللي هو البول. لتر كله
سموم وكل كل مواد ضارة وكله مشاكل تقوم مخرجاه. وترجع الدم تاني للجسم. لتر واحد بس. من الف وسبعميت لتر بيدخلوها -
[00:32:12](#)

عشان يفضل جسمك سليم ويفضل جسمك نقي وطاهر. طيب هي الكلى دي كده كفاية؟ لا طبعا. ده الالف مليار خلية قاعدين يخرجوا
ساني اكسيد كربون هو ده بقى المخلف الاسود بتاع التفاعلات. طب ساني اكسيد الكربون ده هيروح فين؟ ربنا عمل لك حاجة اسمها
الرئة. الدم ستة وعشرين الف - [00:32:32](#)

مرة يتغسل في رئتكم يوميا من ساني اكسيد الكربون عشان يبقى الدم فبريكة يبقى الرئة قاعدة تغسل دمك من ساني اكسيد الكربون
والفحم والهباب والكلى قاعدة تغسل دمك من السموم والمشاكل. وانت راجل ماشي زي الفل. لحد الوقتي كفاية! لا طبعا مش كفاية -
[00:32:52](#)

فيا ليت لان انت نفسك قاعد تاكل سموم الاكل اللي انت قاعد تاكله ده والمواد الحافظة والمبيدات المسرطنة الدم الاكل اللي انت
بتاكله ده مليون مصايب طب وبعدين ربنا اول ما الاكل ينزل المعدة يتهضم وينزل الامعاء يتهضم الدم كله الاكل كله يقوم رايح على
الكبد ما يروح - [00:33:12](#)

شيل الجسم الاول. يروح للكبد ليه؟ الكبد ده بقى مصنع جبار يقعد ينضف الاكل كله من اي سم دخل فيه. عشان كده الكبد لما بيبوظ
الانسان بيفقد عقله ربنا يحفزنا جميعا يا رب ويشفي مرضى المسلمين اجمعين. ليه؟ لان المواد السمية دي ما فيش حد بيعمل لها
حاجة. الكبد - [00:33:32](#)

انت من غير الكبد اكلتين من غير الكبد ما ينضف السموم اللي فيهم تفقد عقلك. لان الاكل اللي انت بتاكله مليون مشاكل فيقوم الدم
كله من الامعاء رايحة تكبد الكبد ينضفه ويزبطه ويشيل السموم اللي فيه وبعد كده يوديه للالف مليار خلية بقى في الجسم كله يالا
خدوا بقى - [00:33:52](#)

انت قاعد دلوقتي كلتك قاعدة تفلتر دمك؟ اه قاعدة تفلتر الالف وسبعميت لتر دم ورئتكم ستة وعشرين الف مرة في اليوم قاعدة
تفلتر دمك ميزاني اكسيد الكربون والكبد قعد يفلتر الاكل اللي انت فطرت به واتعشيت به امبارح. من اي سموم وانت قاعد باشا.
وانت ما نتاش. ويبيجي يقول الحمد لله. يا عم ده انا مبتلى. يا عم ده - [00:34:12](#)

يا عم انت ما انتاش عارف ربنا عامل لك ايه. ربنا عامل لك ايه؟ غير جهاز المناعة اللي جوة جسمك. جهاز المناعة جهاز المناعة اللي

جوة جسمك ده كون من ثلاث انواع من من اجهزة الاجهزة المسلحة. الجهاز الاول حرس حدود. ربنا اداك حرس حدود زي جلدك كده -

[00:34:32](#)

زي الجلد ده حرس حدود. ما فيش ميكروبات عارفة تعدي. النوع الثاني ربنا عمل لك نوع زي الشرطة كده زي الايه؟ زي الامن العام كده. اللي هي كرات الدم البيضاء دي قاعدة تلف ليل نهار ليل نهار ليل نهار ليه؟ تلقط اي ميكروب تتعامل معه. بس الشرطة دايمًا ما تقدرش تعمل كل حاجة. ولكن هي تقدر تتعامل تعامل سريع - [00:34:52](#)

طيب افرض بقى حرس الحدود ما نفعشي والامن العام ما نفعشي. في الجيش المسلح. بقى القوات المسلحة بتاعة جسمك ده ايه جهاز المناعة مليون نوع من انواع الجنود المسلحة ضد كل انواع الميكروبات اللي في الحياة - [00:35:12](#)

كل نوع من انواع الميكروبات فيه نوع من الجنود المسلحة جوة جسمك. جهاز المناعة ده مش مليون خلية. مليون نوع. انت عارف زي المارينز والصاعقة واللي مش عارف ايه وسلاح طيران مليون نوع. ده الكلام اللي في المراجع الطبية. مليون نوع قاعد جوة جسمك. قاعد بقى - [00:35:32](#)

الحاجات دي قاعدة تفرز جوة المعدة. احسن يكون في الاكل حاجة وحشة. تفرز جوة الدموع. احسن يكون جه على عينك حاجة. ايه ده! ايه الحفز اللي ربنا حافظه لك ده - [00:35:52](#)

ربنا حط جهاز مناعة وكبد وكلى وورثة ربنا حافظ جسمك كده ليه؟ كل ده عشان قلبك. كل ده عشان انت في الاخر بقى تحافظ على قلبك. زي ما النبي عليه الصلاة والسلام قال وان ان الشيطان يجري من ابن ادم مجرى الدم. واني خشيت ان يقذف في قلوبكما شيئا - [00:36:02](#)

قذائف الشيطان قذايفه قذائف الشهوات والشبهات تشوف البت دي. طب اسمع الشبهة دي. طب بس بص بس هو يعني هو ربنا يقول كده في الاية دي ليه بقى؟ طب بس - [00:36:22](#)

اسمع بس هو معقولة النبي لما قال كده هو الكلام ده بقى قاعد بقى الشيطان شغال عليك اربعة وعشرين ساعة. واني خشيت ان يقذف في قلوبكما شيئا. الشيطان شغال سلاح - [00:36:32](#)

قذائف على قلبك. يبقى كل الحفز اللي في جسمك ده عشان انت تحافظ على قلبك. فانت لما بتيجي تذكرك الله في عشر زي الحجة انت من غير ما تقعد تستشعر - [00:36:42](#)

كلام زي الكلام اللي انا بقوله ده في كل حاجة. اللي شغال في اي حاجة واللي يا عم بص في السما بص في برهان ربك اللي فوق راسك ده. براهين الله - [00:36:52](#)

لا حصر لها في جسمك وفي السماوات وفي المخلوقات وفي الاراضي الزراعية وفي الطيور وفي الحشرات وفي كل وفي ارزاق الناس وفي برهان براهين الله لا حصر له. بص عشان تقدر تسبح وتقدر تصبر على الذكر. وتقدر تكبر وتحمد. لازم - [00:37:02](#)

تبص والا مش هتصبر دقيقتين وتزهق وتسبب الذكر. فانت لما تبدأ تبص تبدأ بقى تعرف مين هو ربنا. فتبدأ تتعرف الى الله. لما تعرف مين هو ربنا سواء سمعت بقى دروس اسماء حسنى يا بختك لو عملتها او ما سمعتش هتبدأ تذكر ربنا وانت عارف انت بتذكر مين - [00:37:22](#)

فبدأ الذكر بتاعك ي زيد. يبدأ قلبك يترصص بقى من جوة الزوايا بتاعته. يبدأ قلبك يعرف المقصد بتاعه ايه. انت ما جتش الدنيا ديت عشان تخلف ولا تتجوز ولا عشان تختنى ولا عشان تاكل ولا عشان تشرب ولا عشان تلعب كورة ولا عشان تتفرج على كاس عالم ولا امال انا جاي الدنيا ليه! انت جاي الدنيا عشان كل حاجة - [00:37:42](#)

حولها في سبيل الله. عشان تعيش في سبيله وتموت في سبيله. انت جاي الدنيا دي عشان تعمرها برضاه. وبما يرضيه سبحانه وتعالى جاي الدنيا دي تعمرها بذكره بقلبك ولسانك وجوارحك. جاي الدنيا دي عشان تحول الدنيا من فتنة لسلم يوصلك لربنا - [00:38:02](#)

كفاية الدنيا دي تفهم المقصد بتاعك افضل ايام الدنيا ايام العشر. ليه افضل ايام الدنيا ايام العشر؟ نراجع مع بعض بسرعة. واحد لانها ايام الذكر. اذكروني الكرم ولذكر الله اكبر. اتنين لانها ايام الثأر ارجم الشيطان بالذكر. الوضع قابل للاشتعال. الشيطان موجود

فالعشرة. مش زي رمضان - 00:38:22

هتفقر منه وترجمه ولا لأ؟ ثلاثة لانها ايام التجارة العظمى مع الله. خير اعمالكم ازكاها عند مليككم. ارفعها في درجاتكم ذكر الله. اربعة لانها ايام التضحية. ايام كل البشرية متجهة. عباد البشرية الى نقطة واحدة اللي هي الكعبة - 00:38:42

تهتف لبك اللهم لبك. خمسة لانها ايام التأسيس. التأسيس دي الايام اللي ربنا اقسم بها في مرحلة الارقم والايام اللي ربنا زكرها في شعب ابي طالب. ستة لانها ايام معرفة مقصد حياتك. دي الايام اللي بتعرفك مقصد الحياة بتاعك ايه - 00:39:02

عرفك من هو الله. من هو الله فتبدأ تعرف انت عايش ليه وانت جاي ليه اصلا الدنيا دي؟ سبعة لانها ايام الثوب وبالاسطور دي ثاني اعزم صفقة مع الله بعد خرج بنفسه وماله. فلم يرجع من ذلك بشيء. ثمانية لانها الايام - 00:39:22

التي نطق فيها البشر جميعا. كافرهم وملحدهم ومؤمنهم وانبياءهم وضلالهم. فقالوا ربنا الله قال قلوبنا شهدنا ان تقولوا يوم القيامة انا كنا عن هذا غافلين. يبقى دي ايام ما تضعش وايام لا يغفل فيها عن ذكر الله. وايام يجب ان نستعد لها. اقول قولي هذا -

00:39:42

استغفر الله. الحمد لله وكفى. وصلاة وسلاما على عباده الذين اصطفى. اللهم لك الحمد كله ولك الملك كله وببكد الخير كله واليك يرجع الامر كله. اللهم صل على عبدك ونبيك محمد صلى الله عليه وسلم. في الاولين والآخرين وفي كل وقت وحين. اما بعد. اخواني

00:40:02 -

بصوا احبابي في الله احلامك بين ايديك. احلامك بين ايديك. انت عندك عشر تيام. العشر تيام دول ممكن يبقوا لحزة التحويلة في حياتك. ممكن يبقوا هم فلحزة رجوعك لربنا بحق وحقيقي. اسرع عبادة هتجيب تأسير في قلبك وحياتك. هي ذكر الله سبحانه وتعالى. اسرع عبادة هتجيب تأسير في سعادتك - 00:40:22

بركة رزقك وفتح الابواب المقفولة في رزقك ودانيتك هي ذكر الله. اسرع عبادة هتجيب تأسير في نفسيتك المريضة التعبانة المقفولة المكتنبة هي ذكر الله ولكن من يصبر على باب الذكر. عشان كده الورقة دي كلها صفقات مع الله سبحانه وتعالى. كلها صفقات. احنا قلنا ان هو سيع - 00:40:42

كلمات. ربنا قال لك عشر تيام دول عشان السبع تمان كلمات دول. فكل كلمة في افضل اذكار التسبيح هي الورقة عبارة عن ايه افضل اذكار التسبيح ايه افضل اذكار الحمد؟ ايه افضل اذكار التهليل؟ ايه افضل اذكار الصلاة على الرسول؟ ايه افضل اذكار الاستغفار؟ افضل الاذكار واعلى - 00:41:02

الاذكار ثوابا بحيس انك انت على قد ما تقدر بقى. يعني انت دلوقتي عايز عايز عشر زي الحجة ماشي. ما هو لازم استعداد ولو ارادوا الخروج لاعدوا له عدة وآآ هو من غير استعداد في حاجة - 00:41:22

النهاردة يقول لك المدرب بتاع المنتخب ولا المدرب بتاع فريق ايه المهمة الجاية الفرق بينا وبينها وقتيا قصير جدا فايه خطته بقى عشان يعرف يستعد في الفترة القصيرة ديت الفترة ايه انا ما اعرفش والمهمة الجاية ايه انا ما اعرفش. ولكن القصة دلوقتي ان كل اهل الدنيا فاهمين ان من غير استعداد ما فيش حاجة - 00:41:35

مش هتوصل لحاجة. انت مش هتتحول فجأة غير اندايزر في عشر ذي الحجة. مش هتتك على الزرار هتبقى مازنجر بتاع الذكر فجأة. مش هتتك على زرار هتقعد جلسة الضحى وقلبك بيرفرف مع ملائكة السماء بالتسبيح. ده وهم. ده وهم لازم تستعد. انت لسانك على عشر ذي الحجة عشر ايام. فنحن الآن - 00:41:55

العشر بعشر. فنحن الان قبل العشر بعشر. واحنا قبل العشر بعشر تيام هم عشر تيام يستعد لهم في عشر تيام. استعداد ازاى مستويات من الاستعداد. بعد الفجر ربع ساعة كل يوم. وقبل النوم ربع ساعة. يا راجل! اي والله! ربع ساعة تمسك ورقة زي ديت كده! ها نوزعها عليكم ان شاء الله على الخطبة - 00:42:15

تمسك ورقة زي دي كده اقعد اقرأ منها. شوية اذكار وقبل النوم ربع ساعة. تقوم تبدأ تلقط شوية. ما انت مش هتطلع مرة واحدة على الرابع. اطلع على الاول. طب انا - 00:42:35

آآ لأ ده انا وحش انت مش عارفني. انا مش سخنان جدا على عشر زي الحجة. خلاص يا عم خليها نص ساعة بعد الفجر ونص ساعة قبل النوم. حلو كده ولا مش حلو؟ ساعة يوميا ديك بس انت بس اجمع - [00:42:45](#)

قلبك على الله. بس انت بس عايش معنى الزكر واقعد استحضّر جلال ربنا ونعم ربنا في جسمك وفي الكون وفي السما. واقعد سخن نفسك كده. دخل نفسك في الموت كده بتاع الزكر اقعد كده هات صور طبيعية اقعد اقعد كده ايه افتكر نعم ربنا عليك واكتبها في ورقة وانت بتحمد ربنا اقعد كده دخل نفسك - [00:42:55](#)

في الجو بتاع الزكر. نص ساعة بالنهار من بعد الفجر ونص ساعة قبل النوم. يبقى انت كده في العشر تيام دول بتستعد استعداد برضو رائع. يا عم انا اقوى من كده ده انا وحش انت - [00:43:15](#)

مش عارفني خلاص جميل جدا ساعة بعد الفجر وساعة قبل النوم. يبقى ده المستوى الثالث. ساعة قبل الفجر ساعة بعد الفجر وساعة قبل النوم. ساعة بعد اللي هي جلسة الضحى. بيبقى انت العشر تيام الجايين جلسة وضوء حافظ عليها بقى كويس جدا. لانك بتتدرب وقبل ما تنام انت بتنالم الساعة اتناشر ادخل حذاشر كده - [00:43:25](#)

جنب السرير كده على سجادة صلاة ولا حاجة وامسك الورقة واقعد ايه او انت مع قلبك بقى واقعد ايه اذكر ربنا لمدة ساعة. الكلام ده علاج نفسي رهيب الكلام ده فتح للرزق رهيبة. وانا انا جليس من زكرني. انت تجالس الله الان. يبقى عندك ربع وربع. نص ونص ساعة وساعة. عايز اكثر الله يعينك - [00:43:45](#)

بس انت ايه سبت الخطوط الحمراء. طب لما يجي عشر زي الحجة اعمل ايه؟ عشر ذي الحجة عندك ثلاث مستويات. اقل حاجة نص ساعة بعد الفجر ونص ساعة قبل النوم ده - [00:44:05](#)

عشر ذي الحجة بقى نص ساعة بعد الفجر. ونص ساعة قبل المغرب ونص ساعة قبل النوم. يبقى انت عملت زي الانبياء سبحت الله غدوا نص ساعة قبل بعد الفجر وعشيا نص ساعة قبل المغرب وبالليل لان ربنا اقسم بالليل وليال عشر ونص ساعة قبل ما تنام. يبقى انت كده ساعة ونص زكريا يا سلام - [00:44:15](#)

لو انت عملت كده انت راجل بطل. شف اصل الموضوع مش بالحماس. انت كل سنة سخنان وعايز تكسر الدنيا في عشر زي الحجة ولا بتكسرها ولا بتعمرها. ليه؟ لان انت مش محترم طاقتك ومش محترم زروف حياتك وانشغالاتك وان انت برضو مش مسخن في عشر ذي الحجة لو نص ساعة بعد الفجر ذكر ونص ساعة قبل المغرب ونص ساعة قبل - [00:44:35](#)

النوم انت كده بطل. طب اني لاجد قوة خليها ساعة بعد الفجر. يبقى جلسة ضحى يوميا وده طبعاً حاجة عظيمة جدا. وساعة قبل المغرب وساعة قبل النوم يبقى انت كده ثلاث ساعات تجالس الرحمن سبحانه وتعالى في عشر ذي الحجة. طب انا عايز اكثر يا عم. يا عم بس انت عامل دول. ولما نفسك تتفتح بعد كده اقعد اذكر ربنا - [00:44:55](#)

كان احد اخوانا عامل ختم خاتم ورق كده حجمه اطول من عقلة الصابع ويلبسه في ايده كده وهو في الكلية. ولما اول ما ييجي يتني في ايده تقوم ايده تحك في الخاتم في حرف الخاتم الورق ده آآ يقوم يفتكر الزكر يقعد يركز الله سبحانه وتعالى. اعمل زكر نفسك باي طريقة - [00:45:15](#)

اعمل على الموبايل برامج تذكير. اعمل اي حاجة. امشي معك ورقة زي دي ولا كتيب زكر. اقعد اذكر ربنا بقى طول اليوم. بس انت لازم يكون عندك اوقات. بعد الفجر وقبل - [00:45:35](#)

المغرب وقبل النوم تقعد بهدوء تذكر الله فيها. قدر ما يفتح الله عليك. نبداً نلزم نفسنا ونبدأ نجتهد اخواني في الله. اخواني واحبابي واحبابي في الله كما قال حبيب الله محمد افضل ايام الدنيا. ايام العشر. دي افضل ايام الدنيا. دي اه سر تفضيلك عند الله سبحانه وتعالى. دي سر ان ربنا يرفع درجات - [00:45:45](#)

دي وقفة سنوية ومعسكر تربوي سنوي ربنا عمله لامة محمد عشان يبقى معسكر تدريبي على فن الزكر. عشان الامة كلها هتقعد عشر تيام مع الزكر سنويا تقوم لما تدوق الثمار بتاعته واللذة بتاعته والاسر النفسي والاسر القلبي والاسر في الكرامات الدنيوية والعطاء - [00:46:05](#)

اللي ربنا عاملها لك. تقوم لما تدوق ده تقوم تقول يا نهار ابيض! ده انا ما كنتش عايش! انا ازاي كنت عايش من غير ذكر الله! عشان

كده في اول القرآن خالص - [00:46:25](#)

اصل لما ربنا نزل على النبي اول القرآن. سورة المزمّل اللي بعد اقرأ. قال له حاجتين. قال له قم الليل الا قليلا. رتل القرآن ترتيلا. يبقى

لازم ورد يومي لك مع - [00:46:35](#)

القرآن لازم لازم عشان توصل لربنا وانت في اول يومين في الرسالة كده ولسه قدامك الف ميل قدامك اول ورد لازم تعمله ورد مع

امتى يا رب في قيام الليل؟ طب والورد الثاني يا رب؟ واذكر اسم ربك وتبتل اليه تبكي. ورد مع اسماء الله الحسنى او مع ذكر الله.

ورد مع الذاكر - [00:46:45](#)

يبقى ربنا في اول القرآن خالص قال للنبي عليه الصلاة والسلام. لو عايز توصل لي ولو اللي هيؤمنوا بك عايزين يوصلوا لي يعمل

وردين يومي. ورد مع القرآن يقرأ فيه القرآن وورد مع ذكر الله يذكر فيه الله. ورد الذكر ده الفاست فود. ده التيك اواي ده الاكل -

[00:47:05](#)

ده العصير الجاهز اللي بيدخل الجلوكونز يقوم داخل على المخ والقلب وتلاقي نفسك نشطت في لحزة. ده الذكر. القرآن ده بقى لأ ده

القرآن ده بقى الايه؟ ده الاكل - [00:47:25](#)

ايه بقى اللي ممكن يعني تاخذ وقت شوية على ما تحس به وعما تعيش معه ولكن بعد كده ده هيبقى العمود الفقري بتاعك ده اللي

هيشد صلبك فدل نوعين تغذية ايمانية لقلبك ما ينفعش تستغنى عنهم. الورقة هتلاقي فيها صفقة التسبيح او كنز التسبيح كنوز

منسية والله يا جماعة. كنوز منسية. صفقة التهليل. كنز التهليل كنوز - [00:47:35](#)

صفقات منسية حلول منسية. حلول لجميع مشاكل حياتك منسية. صفقة الصلاة على النبي صلى الله عليه وسلم. وتحت كل صفقة

كاتب لهم آآ آ الثواب بتاعها. مش جايب الاحاديث كلها عشان الصفحة ما تبقاش كبيرة. جايب الكلمة اللي الشاهد على السواب من

الحديث بس. الحديث كلها طبعا - [00:47:55](#)

الشيخ الالباني رحمه الله بازن الله سبحانه وتعالى فجايب لك تحت كل ذكر السواد بس بتاع الحجة اللي النبي قالها فيها السواب بتاعه

بحيس ان انت بازن الله سبحانه وتعالى تبقى زاد لك في الاستعداد لعشر زي الحجة وزاد لك في هذه العشر المباركة. نسأل الله

سبحانه وتعالى اللهم بلغنا عشر ذي الحجة - [00:48:15](#)

اجعلنا فيها من الفائزين. اللهم اجعلها خير ايام مرت علينا في حياتنا. اللهم امر قلوبنا بما عمرت به قلوب الصالحين. اللهم امر

صدورنا بما عمرت وبه صدور الصديقين. اللهم اعنا على ذكرك وشكرك وحسن عبادتك. اللهم اجعلنا من الذاكرين الله كثيرا. اللهم اجعل

- [00:48:35](#)

من الذاكرين الله كثيرا. اللهم ارزقنا ذكرك الليل مع النهار. اللهم لا تجعلنا ممن ينساك او يغفل عن جلالك اللهم امر قلوبنا بذكرك. واعمر

صدورنا بذكرك. واعمر حياتنا بذكرك. اللهم بلغنا عشر ذي الحج. واجعلها فتحا علينا وعلى - [00:48:55](#)

عبادك واجعلها خير ايام مرت علينا في حياتنا. اللهم زدنا ولا تنقصنا. اللهم اكرمنا ولا تهنا. اللهم اعطنا ولا تحرمنا اللهم اثرننا ولا تؤثر

علينا. اللهم اهدنا ويسر الهدى الينا برحمتك يا ارحم الراحمين. سبحانك اللهم وبحمدك. اشهد ان لا اله الا انت. استغفرك واتوب اليك -

[00:49:15](#)

- [00:49:35](#)